



e DIEVUL ROS IN FRENZIA

IN ITALIA L'ERA MORT

A LA IN FRENZIA L'È RISORT!

Da Cesena, Mariulen
L'è saltè sora la reda
L'è pasè ad dla de cunfen
Tota forza e tota feda!

Per la sua e la nostra gloria
L'è ripurtè una gran vittoria

Se la squedra d'Italien
La iè steda sfurtuneda
Cun e Gag ad Marturen
La iè stè riabiliteda!

Cun cal gambi ad melarenza
L'è pistè totta la Frenza.

I campium dla nostra Italia
In tla lota aspra e dura
Dop un dè chieva la maglia
Iè culpì dalla sventura!

Chietar i god, i rid, i scata
Par l'Italia la iè fata!

Ma Vicini a la dun chent
Puro, sangue di Romagna
An tun colp, an tun mument
U si met ala calcagna.

Lò lè là che rapa e che cala
Maia bienca e maia zala.

L'isolato ad Marturen
Fra i Belghi e fra i franzis!
Cmè una volpe fra di chen
L'è ados tot i pais!

Iè 50 chi l'abeda
Ma la voipa las fa streda!

Fort, e sol; e nost Gaibera
Senza amigh e senza aiut
Fra dla zenta acsè severa
Che par be i roba un minud.

Lotta, soffre, ma non piega
Tira dritto e . . . se ne frega.

Da una tapa a cleta tapa
In discesa cmè in salida
Lò lè, a là che cala e rapa
In tla cursa piò accanida!

Du che pasa ormai il enos
L'è Vicini e dievul ros!

Bela e grande la iè la lota
So e zo par la Muntagna
Ogni tent ui dà lo bota

Quant ui nè quant u suu magna!

Us distaca dala masa!

Dai de sid, lasa che pasa!

Fra un popolo cunfús

Cus ritira sora i fos

E fra qui chi i fa e mus

Parchè il enos e i nè vri enos

Lo e va là cmè una saetta

A caval dla Bicicletta!

Dai Gaibera! par la Gloria

Al tu gambi al va cal vola!

Par l'Italia, e par la storia

Pri quaten chit farà gola!

Da una spinta a cleta spinta

Dai Gaibera tla iè vinta!

Per cumpes de zir dla Frenza

I ta cont tot i cavel,

Par premiè la tu putenza

Id darà tent bun da mel!

Dai Gaibera, cor ancora

Quest che què lè la tu ora

Sù t'aresta di quatten

Ad faren un munument

An tla svolta ad Marturen

Cun la scretta a le dachent

A caratar grand e gros:

Quest che què l'è e dievul Ros!